

KUMPUAN
RAM LEH HNAM
HUMHALH

YMA

AW



CHANMARI WEST BRANCH YMA CHANCHINBU KARTIN CHHUAK. VOL. XXIV. ISSUE NO. 10 10th Mar 2013

Kumpuan hawn leh Fresher Social hun hman a ni dawn

Charmari West, 10th March: Chanmari West Branch YMA Executive meetingin a lo rel tawh angin Kumpuan hawn leh Fresher Social hun chu tunkar Ningani zanah hian YMA Zawlbukah hman tum a ni a, he hunah hian YMA member zawng zawngte chu kal vek tura beisei kan ni. Programme leh chanvo neitu turte hetiang hian ruahman a ni e.

A Hun: 14.3.2013 (Ningani) Zan Dar 7:00

A Hmun : YMA Zawlbuk.

Chairman : Pu C.Lalzarliana, President

Hunserh : Nl Lalramengi, Executive Member

Report leh Inchhiarna : Tv Zairemmawia Secretary

Zaipawl : Branch YMA Zaipawl

Member Lawmna : Pu T. Ngurkhuma, Vice President

Solo : Nl Lalduhsaki Youth Icon 2012 runner up

Zaiho

Kumpuan Hawn : Pu K. Darthantluanga, Chairman Kumpuan Sub-Committee

Solo : Nl C.Lalbiakzuali

Special Item : Pu K. Rohlpuria

Zaipawl : Branch YMA Zaipawl

CHANVO NEI TURTE

1. Refreshment : President

2. Banner : Secretary

3. Light & Sound : Property Sub-Committee leh Chawngbawla Section

4. Zai Hruai : Branch YMA Zaipawl

5. Seat Arrangement : Neuva Section leh Khuangchera Section

6. Sanitation : Vanapa Section leh Taitesena Section

7. Ushering : Section tin Leader.

* Kumpuan hawn zan hian Branch, Section leh Sub-Committee hruaitute kim thei ang bera ngen leh hriattir kan ni a. Hruaitu leh Member inchhiar a ni ang.

* Section hruaitu kal kim an awm a nih chuan lawmman atan cheng 1000 pek an ni ang.

* He mi zana hmeichhia kal tur zawng zawngte chuan puan bih vek tur ani.

HRIATTIRNA LEH NGENNA

1. Chanmari West vengchhunga inluah tur nei ten an inluah thar turte hnena Pem lehkha an neih leh neih loh chian hmasak tur a ni a, a tira an nei lo a nih loh pawhin an luah atanga ni 15 chhungin an nei ngei tur a ni.

2. Tunlaiin vengchhungah Branch YMA leh Local Council hriatpuina lo va Donation khawn ve ringawt an awm nia hriat a ni a, hetiang mi laka chhingtinte kan him theihnan donation khawtlang thil khawnte chuan Receipt an keng thin tih leh hriatchian ngai lohte chu lo pe ngawt lo turin chhingtinte kan hriattir a ni.

Branch News

Ni 6.3.2013 zan khan Branch OB Meeting a ni.

Branch Executive Member Pu Lalliansangpua, Pu Lalchhandama, Adviser Pu F. Zosanga te chu inneih hmanga Khawzawla zin leh Adviser Pu Lalrengpua Sailo a fanu damlo kana hun eng emaw chen Silchar zinte dam takin an lo haw leh ta.

Pi Lalremdiki w/o Pu C. Zonunsanga Executive Member a mita lungte awm zai chu a dam leh thuai an duhsak.

Ni 8.3.2013 khan Central YMA Culture Sub-Committee Meeting a ni a, kan Branch atangin Culture member leh Branch Executive Member Pu VL.Thakima a tel.

AWMTHAR

1. Pi Hrangthuami te chhung member pa 8, Luangmual tangin Pu Thangkhuma in N-Sect.ah.

2. Tv H.Lallianzuala te unau 3, Saitual Chawnpui atangin Pu Zonunsanga in N-Sect.ah.

Pemchhuak

1. Pu Jerry Lalrinvara te chhung member 2, MUP in atangin Kulikawnah.

2. Nl Lungtiawiite unau member 4, Pu C. Laltanpua 'CH' te in atangin Chhinga vengah an pem.

TIRANGA MAN SAK

Ni 3.3.2013 (Pathianni) tlai khan Local Council leh Branch hruaitute vengchhung fangin Duty a ni a, Taitesena Section dawr 2 a \angin Tiranga Pack 390 man sak a ni a, hal ral nghal a ni. Vengchhunga sawrkhar phal loh zuar an la awm fo mai chu pawi an tiin tun hnua zuar tawh lo tura hriattir an ni.



TUNKAR CHANGVAWN

Amah vekin mi zawng zawng hnena, 'Tupawhin mi zui a duh chuan mahni hrehawm pawisa lovin, nitin a kraws puin mi zui rawh se'

Luka 9:23

Editorial Board

Editor:	R. Lalrinngheta	9862358337
Joint Editor :	Lalchhandama	9862358347
	J.Lalnangliana	9862399658
News Editor :	Thangkhuma	9862303135
	Lalchhuanmawia	9862580558
	K. Lalremluanga	9862119608
Cir.Manager :	Jacob Lalrinsanga	9612319779
Production Manager :	T. Ngurk huma	9436190843

Branch Office Bearer

President	C. Lalzarliana	9436142049
Vice President	T. Ngurk huma	9436190843
Secretary	Zairemmawia	9862385654
Asst. Secretary	RL. Thanhnuna	9436152760
Treasurer	R. Lalhmachhuana	9436151817
Fin.Secretary	K. Darthantluanga	9436196071
Adviser-te :	Pu F. Zosanga	9436142106
	Pu A. Biaklawma	9436363169
	Pu Lalrengpuia Sailo	9862075614

Editorial :

YMA chuan kan hmatakna a chak zawk theih nan kumpuan kan nei thin a, tichuan tunkar hun remchangah kan Branch-ah pawh kumpuan hawn a lo ni dawn ta. Hmanni lawk khan Central YMA chuan kumpuan hi a lo hawng tawh a, tichuan kumpuan hawn a nih tawh chuan chak leh nasa lehzualin hma kan lak a ngai tawh dawn a ni.

Kan kumpuan hi a hminga kumpuan a ni ngawt lova, dan anga thurel a ni mai mai ngawt lo bawk. Kaan ram leh hnam thatna tura bengsika ngaihtuah a nih hnuah kan tan tha tur ber nia ringin hetiang kumpuan hi duan chhuah a lo ni ta a ni.

Central YMA in a tihtur chin a rawn ti ang a, kan sawi phak lo. Kan Branch YMA in kan tihtur leh tih loh tur chu kan rel thei a ni. Kan veng leh kan mite tana tha tur chu duang chhuak turah ngai ila. A pawimawh ber chu kan tihtur puala lum tawh chu tha taka thawh a ni. Ahruait mi tlemte in an thawh vek theih a ni lova, kan zavaia mawphurhna a ni. Keini hian kan thawh loh chuan Bagha vai hian min rawn thawh sak dawn loh avangin keimahni ngeiin kan thawh angai a, kan hnam leh kan ram himna chu i kut ngeiah a awm a ni. A bik takin hemi kawngah hian thalaiten mawh kan phur zual a, kan nunphung leh incheina, kan ngaih hlut leh thlir dante kan siamthat a tul tawh hle a ni, harh ang u.

Tun tum chu YMA rumrutt Pu VL Thakima nula nei maiin kan inawi leh thei a, kan lawm hle mai. Phek hnung lamah fakna thu kan dawng tam deuh a, min hrethiam teh u.

Article:**KHA NULA NGEI MAI KHA!**

- VL / hakima

Rualute sawi awm tak ni mah se ka rilruah a awm ve tlat mai a, thuhma pawh awm chuang lovin kan thlasik mau puah ve phawng phawng mai teh ang. Khawpui veng \henkhatah chuan thlan laih leh khawhar in riah a awm ta lo, zualko kal ngai lovin phone leh T.V kan hmang ta, khawhar chhungte tan thing khawn leh buhfai khawn pawh a pel \an ta der mai. "Heng zawng zawng hi kan pi leh pute a\anga kan tihtan \ha te kha an ni a, i chhawm nung zel ang u" ti ta ila, Mi mak tih kan hlawh ngei ang le. Kan tihtan \hate bansan kan duh loh vang pawh ni lovin, kan khawsak dan, kan nunphung leh changkanna vangin kan bansan hret hret a lo ngai ta zawk a ni.

Kan veng, Chanmari West-a kan awm hi Nu leh pa leh \halaite hian kan vanneih bikzia hi kan hrethiam phak ang em le? ka ti \hin. Vannei hthlak takin kan YMA hruiitute'n veng \henkhatin an bansan mek, lawmngaihna hi chhawmnun an latum tlat a, a duh tan khawhar in riah a la theih a, a huhovin thlan kan la laiin thlan kan siam bawk a, mitthi chhungte hnem turin kan tlaivar a, khawhar inah \halaite khawhar hnem turin kan la leng a, mitthi chhungte tan buhfai kan la khawn a, kan theih tawkin thawh lawnte an tan kan la thawh thei hi a va'n vannei hthlak tak em! a tih loh theih loh a ni.

Han ngaihtuah chiang ila, tuna kan tih mekte hi kan duh loh vang pawh ni lovin kan la bansan hret hret dawn a ni. Hei tak hi ka sawi duh chu a ni. Tuna kan nu leh pate hi chuan kan nulat tlangvallai chuan tiin sawi tur an nei ang a. (sawi tur nei lo chu an ngaihtuahawm hle ang) Chuvang chuan nula tlangvalte u, hetianga \henawm khawvenge tana kan theihna, kan tha leh zung kan hman theihlai hian kan theih ang tawkin khawtlang tan hian i in hmang ang u. Han innngaihtuah chiang ila, nula tlangval ve si, vawi khatmah lumena tlaivar ngai lo, tlangval ve si vawi khatmah thlan lai ngai lo, khawhar inah riak ngai lo, mite \anpui a YMA-in tha a thawhnaa vawi khatmah tha seng ngai lo kan ni palh ang tih ava hlauhawm em! Hunte a lo inher liam zel ang a, loh theih lohvin kan lo upa zel dawn a, nu leh pa kan lo nih hunah

chuan kan tu leh fate'n sikul lamah Mizo Culture an zir ang a, kan tu leh fa te'n kan hunlai a ni tih an chhut thiam ve awm tho si a, min han zawl ang a "Hengte chu kan lo tih \hin dan a nia" tiin dawt kan hrilh mai ang tih a hlauhawm hle a ni.

Tunah chuan YMA hruiitute kaihhruaina hnuiah mahni chauha tih hrehawm leh zahtlhak tak tur kha kan tih thei a, lungrial takin khawhar hla sain kan zaiho dial dial thei a. He hun hlu tak hi kan \hatlai hian i hmang am teh ang u, tiin ka'n sawm duh che u a. Kan veng pa tlawmngai tak mai, Pu L. Romawia'n a kalsan tak a chhungte khawhar kan lepui \um khan, a tir lamah nula hla hril tur an awm mai lova, han hnawn dawn pawhin hla hril thin lo chuan an hnial zel mai si a, chutia hnawn mai tur hre lova hrilh hai takan ka awmlai chuan nula thianzaho an rawn kal a, ka hriat \han ni lo mahse hla hril turin ka lo ti tho a, an hril ngai loh thu an sawi a, mahse pakhat chuan ka ngenna ngai pawimawhin a tih ngai loh ni mah se ti turin a inpuahchah a, ka rilruah a awm ta reng a. Khatianga aia upate thu zawn a, a tih ngai loh pawh a ti mai kha ava entawn tlak tak em! ka ti lo thei lo a ni. Kum a lo thar a Jan. 14. 2013-ah chuan nula boral thu kan han hria a, ka han hrechiang leh zual a, ni 29.12.2012 zan hla hriltungei mai..aw! kha nula ngei mai kha a lo ni a, a pawi ka tiin a nu leh pate ka tuarpui tak zet a, khatianga fanu nula thuawih thei an nei erawh ka chhuang in he thuзиak pawh hi N1.VL Hriatpui hriatreng nan ka rawn ziak a ni e.

Phek 3-na	Section Report/ Vengchhung/ etc.	10th Mar 2013
Taitesena Section		
<p>□ Ni 8 March 2013 zan khan KUANG DUAN hnatlang neih a ni. Hnatlan nan Workshop hman tirtu Pu Lalngaihawma (Ngaihlea) hnenah lawmthu an sawi.</p> <p>□ Y.M.A Aw man leh chhiatni Fund khawn mek a ni a, chhungtin ten lo ngai pawimawh turin an innge.</p> <p>□ An hruaitu Pu C Zonunsanga nupui Pi Lalremdiki damdawi in a awm pawh alo chhuak leh tawh a, a dam chhoh zel an duhsak.</p> <p>□ Chhingtinte mahni in leh a vel vawngfai turin an inchah nawn leh.</p> <p>□ Section huam chhunga EXAM bei mek te hlawhtlinna an chang theih nan duhsakna an hlan.</p> <p>□ Khua a lo ro chho leh ta a chhungtin te KANGMEI lakah finkhur turin an inchah.</p> <p>□ YMA buk a\anga tui lo kal chu felfai zawka a luanna turin Pu H. Thangdailova te chhungan phal taka an rama kal tir an phalsak avangin lawmthu an sawi.</p> <p>□ Thawhleh Zan March 12 hian Pi Nulawri leivung pahin an inhlawh dawn a, Member-te lo inring turin an innge.</p> <p>□ Pu Lalbiaksiama Kawlni in chungzawla thu \hin te \hu tawh lo turin an inhriattir.</p> <p>□ Section huam chhunga in luah tur nei ten Pem lehkha fel tak nei lote chu luah tir lo turin an innge ani.</p>	<p>□ Pu G.Zama in leh Pu Than\huama in inkar luikawra bawlhhlawh pah \hin te pah tawh lo turin an inhriattir.</p> <p>□ YMA Chhang member lak mek a ni a, YMA Chhang member awm rual chu nu leh paten member a pe vek turin an innge.</p> <p>Chawngbawla Section</p> <p>□ Tunkar chho hian Section sum tuak hnatlang neih tur a ni a, Member-te lo inring turin an inchah.</p> <p>□ An Finance Secretary Pu Rosangpuia leh Pu Lalbiakzuala Sailo te Silchar-a an farnu dam lo kan pawh dam takin an lo haw leh ta.</p> <p>□ Chhiatni Fund leh YMA AW man khawn chhoh mek zel a ni a, chhungtin te lo ngaipawimawh turin an innge.</p> <p>□ Tunlai School chawlh a nih avangin Chhingtinten mahni fate an tlat hlat lutuk lohna turin i khuahkhirhin i veng \heuh ang u.</p> <p>□ YMA Chhang Incharge atan Tv. Lalramliana leh N1 Ellen Lalrintluangi te nuat anni.</p> <p>Vanapa Section</p> <p>□ Pu Lalzuiliana te chhungku in Section Burgrua turin chawhtawl 12 Nos. leh fianpui 12 Nos an rawn pe a, an chhungkaw chungah Section chuan lawmthu a sawi tak meuh meuh a ni.</p> <p>□ March ni 5 zan khan lung thiarin sumtuak hnatlang neih a ni a, sumtuakna siamsaktu Pu Rochungnunga te chhungkaw chungah lawmthu an sawi a, Member 42 he hnatlangah hian thawk chhuak a ni.</p> <p>□ Heng mi inphalte hnen a\ang hian hnatlang neih zan khan sum leh pai dawn a ni.</p> <p>1 Pu C. Thanchungnunga \$ 500 2 Pi Saichhungi W/o Upa L.Romawia (L) \$ 500 3 Pu Zorammuana \$ 300 4 Pu R.Lalhmachhuana \$ 100</p> <p>□ Hnatlangte chhawlhlohna tura theitui tuihnai tak min hluit Pu Sainhuna Sailo te chhungkaw chungah lawmthu an sawi.</p> <p>□ Pu H.Lalremtluanga te fapa Vanramsanga chu Gauhati lamah a mit zai turin an thang meka, tluang taka an lo haw leh ngei an duhsak.</p>	
Neuva Section		
<p>□ Vawiin tlaiah Section hruaitute Duty tur a ni a, Pasal\ha Neuva Inah innghahkhawm tur a ni.</p> <p>□ Section huam chhunga in luah tur nei ten Pem lehkha neilo chu luah tir lo turin an innge.</p> <p>□ An Leader Khawzawl lam a, a farnu te inneihna hmang a zin pawh dam takin a rawn haw leh ta, section hruaitu \henkhat ten an \awiawm bawk.</p> <p>□ Kumpuan hawn leh Fresher Social Programme Ni 14.3.2013 (Ninga) zan dar 7 a neih turah Section hruaitu leh member-te kal vek turin an innge.</p> <p>□ An member Pi Rebek Lal\hazuali w/o Vanlalrova Guwahati lama inentir a zin chu dam taka an lo haw leh thuai an duhsak.</p>	<p>□ Pu Lalzuiliana te chhungin Chawhtawl leh Fianpui an pek chu Pu Zonunmawia (Comt. Member) in mawi tak maiin a chhinchhiahna a siamsaka an lawm hle.</p> <p>□ An Member Pu Saithangpuia ten fanu duhawm tak an neia an lawmpui hle.</p> <p>□ Sikul chawlh lai te a nia, YMA Chhang Member te leh Naupang dangte zan lama lengchhuak lo turin an in ngen a. YMA Chhang Member te tan hun hlimawm tak hmang tura ruahmanna siam mek ani.</p> <p>□ An Member Pu C. Lal\hazuala te chuan fapa phir duhawm tak an neia an lawmpui hle.</p> <p>Kuangchera Section</p> <p>□ Ni 14.3.2013 zana Branch in kumpuan hawnna a neih turah memberte kal vek turin an innge a, hruaitute phei chu kal vek turin an inhriattir.</p> <p>□ Ni 12.3.2013 (Thawhleh) zan hian Meeting neih tur a ni a, hruaitute hun awl lo in siam turin an inchah.</p> <p>□ Ni 16.3.2013 (Inrinni) hian ropui taka Blanket suk hnatlang neih tur a ni a, YMA member-te hnatlang a thawkchhuak vek turin an insawm.</p> <p>□ House number plate inangtlang veka siam tum a ni a, chhungkaw tinte khul vek turin an innge. A duh tan Name plate mawi leh tlawn takin siam sak tum nghal a ni. Name plate siam \ha duhete chuan hruaitute hnenah inhriattir turani.</p> <p>□ Chhiatni fund khawn zawh thawkhat a ni tawh a, la pe remchang lo te pawhin Branch YMA in a mamawh zia hriaa a rang lama lo pe hram hram turin an innge.</p>	
		<p style="text-align: center;">KEIMAHNI</p> <p>* YMA AW chhut zan a min \awiawm thin tu te chungah lawmthu kan sawi e.</p> <p>* Pu Liansangpuia LS Backery in chhang min rawn tumsaka a chungah kan lawm hle. A nachang hriate chungah kan lawm bawk e.</p> <p>* Kan News Editor Pu Lalremtluanga chuan Editorial Board te chaw hlui min siam sak dawn a, a chunga Editorial Board te an lawm hle.</p>

CYMA

26.2.2013 : YMA Kumpuan 'Ram leh Hnam humhalh' hawnna inkhawm Vanapa Hallp-ah neih a ni a, kumpuan hi Pu Lal Thanzara, parliamentary Secretary-in-a-hawng a, he hunah hian CYMA OB 6, CEC 30, Sub-Committee 5 leh Aizawl khawpui Branch aiawh mi 365 an vaiin mi 406 an tel.

27.2.2013 : Dampa Reserve Forest chhunga Chikha Camp atanga ni 19.2.2013 a Hel pawl ten mi 5 an rukbo avanga mipui thlabar thlamuan tur leh an rukbona hmun tlawnin Pu Lalbiakzuala, Vice President, Pu R. Lalngheta Treasurer, Pu C. Zoliana CEC, Pu Laldawngiana CEC, Pu Lal Rimawia CEC, Pu C. Lalnuntluanga CEC, Pu Z.D. Sangkhuma CEC leh Pu Vanlalntluanga CEC te an kal.

28.2 & 1.3.2013 : A.R. Lammualah Chapchar Kut 2013 hman a ni a, hetah hian Cheraw, Chawnglaizawn, Ketaminu intlansiak leh item chi hrang hrang entir a ni.

Thlanmuual Sub-Committee

- An Committee Member Tv Vanlaluata Neuva Section Accident avanga damdawi ina awm chu dam takin a lo chhuak a, a dam zel kan duhsak.
- Thlan siamtute leh thlanmuual bungrua hmangtuten an bungraw hman fai taka kalsan \hin turin an innge.
- Hun remchang hmasak berah Committee koh tum a ni.

COMPUTER ADMISSION OPEN**Course Offered**

1. Software Course
2. Hardware Course
3. Video Editing.
4. 1 Month Course

MERGE COMPUTER CENTRE

Opp. RD Office, Chanmari. Aizawl.
Ph. 9862358347 / 9774569327

ADMISSION

Staine's Memorial School, Chanmari, Aizawl opens admission for class IX, X and XII (Arts, Science and Commerce)
Contact: 9774586023 (2-2)

ADMISSION NOTICE

Chanmari West Middle School ah engtik lai pawhin FREE Admission heng mite hnenah hian tih theih reng a ni e.

1. Pu H.Biakchhunga
2. Pu Lalrinliana (Te-a)

VOLLEYBALL

- Vawiin chawhnu inkhawmban dar 3 hian Pu C.Ialthanzuala Inah Meeting neih tur ani a, Hruaitute kal vek turin an inhiattir.
- Inter Village Volleyball Tournament (Men & Women) Ni 26.3.2013 atangin khelh tan a ni dawn a, vengchhung players mipa leh hmeichhia te Ni 11.3.2013 (Thawhtan) tlai atangin Indoor Stadium ah practise tan tur ani.

CWSC

ADFA 1st Division Mid Season Tournament-ah final thlengin final-ah Sports & Youth Services nen intumin 1-2 in an chak ta lo.

NEW HORIZON SCHOOL OF EDUCATION**ADMISSION OPENED FOR CLASS I-XII****FREE ADMISSION FOR CLASS- I**

Contact. (0389) 2346362, 9436141868

(2-1)

ADMISSION OPEN

Nursery to Class -X Admission ti duh tan Office hun chhungan tih theih reng a ni.

**Springdale School
Chanmari West, Aizawl**

Contact : 9862812084 (3-1)

PHEIKHAWK DAWR THAR

Chanmari Kawn Two Steps Mobile dawr \hinah khan pheikhawk chi hrang hrang leh Slipper bakah School Uniform Pheikhawk kan zuar ta e.

**J.K FASHION BRANCH
Chanmari, Aizawl. (2-1)****LODESTAR SCHOOL
CHANMARI WEST,
AIZAWL
(Near Indoor Stadium)**

2013 – 2014 session atan K.G – I admission englai pawhin school hour chhungan a tih theih reng e.
K.G – II atanga Class – VIII tan March ni 1 (Zirtawpni) atangin tih theih a ni bawk ang.

Contact : 9862711823 / 8974287909 / 8794576982 (4-1)

Silver jubilee Fund Raising Committee din a ni

Chanmari West Branch YMA Executive Committee-in Silver jubilee Fund Raising Committee din nise tiin a rel a, hma la turin Branch OB te kutah a dah a, hetiang hian Silver jubilee Fund Raising Committee chu din a ni ta a ni. Chairman : Pu C. Lalzarliana V. Chairman : Pu T. Ngurkhuma Secretary : Pu RL. Thanhnuna Treasurer : Pu K. Darthantluanga Member : Pu R. Lalhmachhuana, Tv Zairemmawia, Pu Lalchhandama, Pu HV. Lalthavela, Pu K. Lalthakima, Pu Lalrinsanga, Pu H. Vanlalvena, Pu HVL. Zarzoenga, Pu A. Biaklawma, Pu F. Zosanga, Pu Lalchhandama Ralte, Pi Biakhuni, Pu Lalrinliana, Pu J. Lalnangliana, Pu Lalnunthara Sailo, Pi Lalthanpui.

ZOFA

- March ni 4 thawhlehn a\ang khan naupang kum 10 chin tan lam zir \an a ni a, lam zir nana zawlbulk hmantirtu Chanmari West Branch YMA leh Indoor Stadium hmantirtute Indoor Management Committee chungah lawmthu an sawi. Lamzirnaah hian hruaitu a hman apiang kal ziah tur a ni e.
- An Active Member N1 Lalsawmliani D/o Nundanga Khuangchera Section in Champhai lama pasal a neihsan tur chu an lawpui hle.

BADMINTON CLUB

- Mizoram Open leh Inter District Champion khelh tur a ni a, tel tumte pratice turin an innge. Category hrechiang duh tan hruaitute zawh thei a ni.
- An hruaitu Pu. C. Zonunsanga nupui Pi Lalremdiki Damdawi in a zai pawh damtakin alo chhuak.

**C. ROZAMA & SONS
STEEL & ALLUMINIUM TRADERS****Deals in:**

**Stainless Steel, Steel & Alluminium
Chanmari Ramhlun Road, Aizawl
Oppt. LC Sofa**

**VENG CHHUNG MITE
DUHSAK BIK AN NI E.**

Ph. 0389 2342412 / 9436365889 / 986204619 / 9436159313. (5-1)
Email : teteachhangte78@gmail.com